

فامیدون نتیجه معاینه دهانه رحم شیم



ای رهنمایی شمو ره کمک
مونه که نتیجه تست معاینه
دهانه رحم خو بوفامین.

داکتر شیم یا پرستار نیتیجه شیم ره قد شیم موگیه و د باره قدم بعدی هم موگیه.

ای وقت خوب استه که هر کدم سوال که دیرین پرسان کنین و بلدی ازوا بوگین اگه شمو نگران د باره نتیجه خو استین.

مگر اگه HPV د بدن از مو بلدی مدت غدر
بومنه، ای مشکل جور مونه که شاید باعث
سرطان دهانه رحم شونه. ای معمولاً 10 تا 15
سال ره وقت میگره.

معاینه دهانه رحم بلدی چیز توخ مونه؟

معاینه دهانه رحم عفونت وایرس پاپیلوم
انسانی (HPV) ره توخ مونه.

معنی نتیجه معاینه از مه چیز استه؟

داکتر شیم یا پرستار نیتیجه تست معاینه
دهانه رحیم شیم ره قد شیم موگیه، و هر کدم
سوال که شمو دیشته باشین ره جواب میدیه.

HPV خیلی معمول استه که خیلی از کسا د
کدم بخش از زنده گی خو ای ره دیره و هیچ
وقت د باره شی خبر نبوده، بخاطریکه معمولاً
کدم علایم ندیره.

فامیدون نتیجه معاینه خو

ای نتیجای استه ممکن دیره باشه و چی معنی دیرن.

هیچ کدم HPV د نمونه از شمو پیدا نشده. معاینه دیگه از شمو د 5 سال استه. بلدی از شمو 3 ماه پیش از معاینه دیگه شیم خبر دیده موشه.	بلدی معاینه 5 سال باد بایین.
شمو نمونه گرفتو توسط خود خو انتخاب کیده بودین و د بین نمونه که شمو خود شیم گرفته بودین HPV پیدا شده. از شمو خواسته موشه که پس د پیش داکتر خو یا پرستار بورین. اونا یک نمونه دیگه میگره که شامل سلول دهانه رحم موشه. ای امکان ندیره که از معاینه که خود شیم انجام دیدین بلدی ازی نمونه استفاده کنی.	بلدی یک نمونه دیگه توسط ارائه کننده مراقبت صحی خو پس بورین.
HPV د بین نمونه از شمو پیدا شده، ولی بدن از شمو شاید ای ره خود شی پاک کنه. ای بلدی از شمو محفوظ استه که بلدی 12 ماه صبر کنین پیش ازیکه یک معاینه دیگه کنین.	معاینه ره د بین 12 ماه دیگه دوباره کنین.
لابراتوار از نمونه از شمو نتیجه گرفته نته نیسته. ای به معنی نیه که کدم مشکل باشه. د بین 6 تا 12 هفته وقت دیگه بیگرین که معاینه خو دو باره انجام بیدین.	معاینه دهانه رحم ره دوباره انجام بیدین بخاطریکه نتیجه غیر رضایت بخش معاینه
HPV د بین نمونه از شمو پیدا شده و ای نوع از عفونت HPV معاینه یا تداوی اضافه نیاز دیره. داکتر شیم یا پرستار شموره پیش یک متخصص بلدی معاینه دیگه معرفی مونه.	قد یک متخصص مراجعه کنین

مالومات غدرتر؟

اگه شمو نیاز د مالومات غدرتر دیرین، قد داکتر خو، پرستار یا کارمند صحی توره بوگین د ویبسایت www.health.gov.au/NCSP بورین یا د شماره **1800 627 701** زنگ بزنین.

بلدی کمک د زیبون از خود شمو میتنین که بلدی خدمات ترجمانی شفاهی و کتبی (تیس نشنل) د شماره **131 450** زنگ بزنین.

بلدی مالومات ترجمه شده د ویبسایت www.health.gov.au/NCSP-multicultural بورین.